

**Egzòd 35:31 Li mete lespri l' sou li an kantite pou l' ba li ladrès, konesans ak bon konprann pou l' fè tout kalite travay atizan yo konn fè a,**

**Resansman 11:25 Seyè a desann nan yon nwaj, li pale ak Moyiz ankò. Apre sa, li pran ti gout nan lespri li te bay Moyiz la, li bay swasanndis chèf yo. Lè lespri a vin sou yo, yo tonbe pale tankou pwofèt yo sou tout kalite bagay. Apre sa, yo sispann.**

**1 Samyèl 10:6 Lespri Jehovah a va desann sou ou, w'a pran danse, w'ap bay mesaj ki soti nan Jehovah tankou yo. Ou p'ap menm moun lan ankò.**

**2 Samyèl 23:2 Se lespri Seyè a k'ap pale nan mwen. Se mesaj li k'ap soti nan bouch mwen.**

**Jòb 33:4 Se lespri Jehovah a ki fè m'. Se souf Jehovah ki gen tout pouvwa a ki ban m' lavi.**

**Ezayi 11:2 Lespri Jehovah a pral desann sou li. L'ap ba li bon konprann ak lespri. L'ap ba li konesans ak ladrès pou l' dirije. L'ap fè l' konn Seyè a, l'ap fè l' gen krentif pou li.**

**Miche 3:8 Men, pou mwen menm, Miche, Seyè a voye lespri l' sou mwen, li ban mwen fòs, li ban mwen pouvwa pou m' konnen sa ki dwat. Li ban mwen kouraj pou m' kanpe denonse fòfè pitit Jakòb yo, pou m' di pèp Izrayèl la nan figi l' sa l'ap fè ki mal la.**

**Zakari 4:6 Lè sa a, zanj ki t'ap pale avè m' lan reponn mwen, li di m': -Men mesaj Seyè a voye pou Zowobabèl: Se pa avèk vanyan sòlda ou yo, ni avèk pwòp kouraj ou ou pral rive nan sa ou gen pou fè a. Men se va avèk pouvwa lespri pa m' m'ap ba ou a. Se Seyè ki gen tout pouvwa a menm ki di sa.**

**Matye 12:28 Men, si se avek Lespri Jehovah m'ap chase move lespri yo, sa vle di pouvwa Gouvènman Jehovah ki wa a gen tan rive sou nou.**

**Matye 28:19 Ale fè disip pou mwen nan tout nasyon, batize yo nan non Papa a, Pitit la ak Sentespri a.**

**Mak 1:10 Antan Jezi t'ap soti nan dlo a, li wè syèl la louvri, epi Lespri Jehovah a desann sou li an fòm yon pijon.**

**Mak 13:11 Lè y'a arete nou pou mennen nou nan tribunal, pa kase tèt nou pou nou chache konnen davans sa n'a pral di; men, n'a di pawòl ki va vin nan bouch nou: paske lè sa a, se pa nou menm ki va pale, se Sentespri a ki va mete pawòl yo nan bouch nou.**

**Lik 2:26 Li te fè l' konnen li pa t'ap mouri san l' pa wè Kris la, moun Jehovah te chwazi pou l' voye a.**

**Lik 4:1 Jezi tounen soti bò larivyè Jouden an; li te anba pouvwa Sentespri. Se konsa Lespri Jehovah a mennen l' nan dezè a.**

**Lik 4:18-21 Lespri Jehovah a sou mwen. Li chwazi m' pou m' anonse bon nouvèl la bay pòv yo. Li voye m' pou m' fè tout prizonye yo konnen yo lage, pou m' fè tout avèg yo konnen yo kapab wè ankò, pou m' delivre moun y'ap maltrete yo, 19 pou m' fè yo konenn lè a rive pou Jehovah vin delivre pèp li a. 20 Apre sa,**

**Jezi fèmen Liv la, li renmèt li bay moun ki t'ap ede nan sèvis la. li al chita. Tout moun ki te nan sinagòg la te gen je yo fikse sou li. 21 Lè sa a li kòmanse di yo: Jòdi a, pandan n'ap tande pawòl ki ekri la a, li rive vre.**

**Lik 12:11,12** Lè y'a mennen nou pou yo jije nou nan sinagòg, osinon devan chèf ou ankò devan lòt otorite, pa bat tèt nou pou n' chache konnen ki jan nou pral fè defans nou, ni kisa pou n' di. **12 Paske, Sentespri a va moutre nou sa pou nou di lè sa a.**

**Jan 7:38,39** Moun ki mete konfyans yo nan mwen, y'ap wè gwo kouran dlo k'ap bay lavi koule soti nan kè yo, jan sa ekri nan Liv la. **39 (Jezi t'ap pale ki jan moun ki kwè nan li yo tapral resevwa Sentespri. Lè sa a, Sentespri pa t' ankò desann sou pesonn, paske Jezi pa t' ankò moute nan syèl la.)**

**Jan 14:16,17,26** M'ap mande Papa a pou l' ban nou yon lòt moun pou ankourage nou, pou li ka toujou la avèk nou, se Sentespri k'ap moutre nou verite a. **17 Moun k'ap viv dapre prensip lemonn pa ka resevwa l', paske yo pa ka wè l', ni yo pa ka konnen li. Men nou menm, nou konnen l' paske li rete nan kè nou, paske li nan nou. 26 Moun ki pou vin ankourage nou an, se Sentespri. Se Papa m' ap voye l' nan non mwen. Sentespri sa a va moutre nou tout bagay, la fè nou chonje tou sa m' te di nou.**

**Jan 16:7,8** Men, m'ap di nou laverite: li pi bon pou nou si m' ale. **Paske, si m' pa ale, moun ki gen pou vin ankourage nou an p'ap vin jwenn nou. Men, lè m' ale, m'a voye l' ban nou. 8 Li menm, lè la vini, la moutre moun lemonn yo jan yo nan lerè sou keksyon peche, sou keksyon sa ki dwat devan Jehovah, sou keksyon jijman Jehovah.**

**Jan 16:13-15** Men, li menm Lespri k'ap moutre verite a, lè la vini, la mennen nou nan tout verite a. **Paske li p'ap pale pawòl pa li. Men, tou sa la tande, se sa la di nou: la fè nou konnen bagay ki gen pou rive. 14 Li pral fè yo wè pouvwa mwen, paske la pran sa ki pou mwen pou l' fè nou konnen yo. 15 Tou sa ki pou Papa a se pou mwen yo ye tou. Se poutèt sa mwen di nou la pran sa ki pou mwen pou l' fè nou konnen yo.**

**Jan 20:21,22** Jezi di yo ankò: benediksyon Jehovah sou nou tout! Menm jan Papa a te voye m' lan, se konsa m'ap voye nou tou. **22 Apre pawòl sa yo, li souffle sou yo, li di yo: Resevwa Sentespri.**

**Travay Apòt Yo 1:2,5,8** jouk jou li moute nan syèl la. Anvan l' te moute a, li te pale ak moun li te chwazi pou sèvi apòt. Avèk pouvwa Sentespri sou li, li ba yo lòd sa pou yo fè. **5 Jan te batize nou nan dlo, men nan kèk jou ankò, nou pral resevwa batèm nan Sentespri a. 8 Men, lè Sentespri a va desann sou nou, n'a resevwa yon pouvwa. Lè sa a, n'a sèvi m' temwen nan Jerizalèm, nan tout peyi Jide ak nan tout peyi Samari, jouk nan dènye bout latè.**

**Travay Apòt Yo 2:1-4** Lè jou Lapannkòt la rive, yo tout te reyini ansanm menm kote a. **2 Yo rete konsa, epi yon sèl bri sot nan syèl la tankou yon gwo van k'ap souffle; li plen tout kay kote yo te chita a. 3 Lè sa a, yo wè yon bann lang parèt tankou ti flanm dife ki separe yonn ak lòt epi ki al poze gress pa gress sou tèt yo chak. 4 Yo tout te vin anba pouvwa Sentespri, epi yo pran pale lòt lang**

**dapre jan Lespri Jehovah a t'ap fè yo pale.**

**Travay Apòt Yo 2:17-19 Men sak pral rive nan dènye tan an: Se Jehovah menm k'ap pale: M'ap vide Lespri m' sou tout moun sou latè. Ptit gason nou ak ptit fi nou yo va pale tankou pwofèt. Jenn gason nou yo va gen vizyon. Granmoun nou yo va fè rèv. 18 Wi, lè sa a, m'ap vide Lespri m' sou tout sèvitè m' yo, fi kou gason, epi y'a bay mesaj ki soti nan Jehovah. 19 Mwen pral fè mèvèy parèt anwo nan syèl la, mwen pral fè mirak anba sou latè! Va gen san, dife ak gwo nwaj lafimen. (Joèl 2:28,29)**

**Travay Apòt Yo 2:33 Jehovah fè l' moute nan syèl la vin sou bò dwat li, li resevwa Sentespri Papa a te pwomèt la, li vide l' sou nou. Enben, se sa n'ap wè, se sa n'ap tandé koulye a.**

**Travay Apòt Yo 2:38 Pyè reponn yo: Tounen vin jwenn Jehovah, epi yonn apre lòt vin resevwa batèm nan non Jezikri, pou Jehovah padonnen tout peche nou yo. Apre sa, n'a resevwa Sentespri, kado Jehovah a.**

**Travay Apòt Yo 4:31 Lè yo fin lapriyè, kote yo te ye a pran tranble. Yo tout te anba pouvwa Sentespri, epi yo pran anonse pawòl Jehovah a avèk konviksyon.**

**Travay Apòt Yo 8:15-17 Lè Pyè ak Jan rive Samari, yo lapriyè pou moun ki kwè yo pou yo te kapab resevwa Sentespri, 16 paske Sentespri a pa t' ankò desann sou okenn nan yo. Yo te resevwa batèm nan non Seyè Jezi a sèlman. 17 Lè sa a, Pyè ak Jan mete men sou tèt yo, yo resevwa Sentespri.**

**Travay Apòt Yo 8:39 Lè yo soti nan dlo a Lespri Jehovah fè Filip disparèt gwo chèf la pa janm wè l' ankò. Men, li kontinye chemen l' ak kè kontan. (1 Reis 18:12)**

**Travay Apòt Yo 9:31 Lè sa a, legliz la te gen repo toupatou nan Jide, nan Galile ak nan Samari. Li t'ap devlope, li t'ap viv avèk krentif pou Jehovah. Avèk konkou Sentespri, li t'ap resevwa anpil moun toujou.**

**Travay Apòt Yo 10:44,45 Pyè t'ap pale toujou lè Sentespri a desann sou tout moun ki t'ap koute mesaj la. 45 Frè ki te soti lavil Jope ansanm ak Pyè yo se jwif yo te ye. Yo te sezi wè ki jan Jehovah te bay moun ki pa jwif yo Sentespri l' an kantite.**

**Travay Apòt Yo 11:15 Mwen te kòmanse pale lè Sentespri a desann sou yo menm jan li te desann sou nou premye jou a.**

**Travay Apòt Yo 13:52 Nan Antiòch menm, disip yo te kontan anpil, Sentespri te plen kè yo.**

**Travay Apòt Yo 19:6 Apre sa, Pòl mete men sou tèt yo, epi Sentespri desann sou yo. Yo pran pale nan lang lòt peyi, yo t'ap bay mesaj ki soti nan Jehovah.**

**Travay Apòt Yo 20:23 Yon sèl bagay moun konnen: nan chak lavil kote m' pase, Sentespri avèti m' prizon ak anpil soufrans ap tann mwen.**

**Wòm 5:5 Espwa sa a p'ap janm twonpe nou, paske Jehovah te fè nou wè jan l' renmen nou lè li ban nou Sentespri li.**

**Wòm 8:9 Pou nou menm, nou p'ap viv dapre egzijans kò nou ankò, men dapre egzijans Lespri Jehovah a, paske Lespri Jehovah a nan nou. Si yon moun pa gen Lespri Kris la nan li, li pa pou Kris la.**

**Wòm 8:13-16 Si n'ap viv dapre egzijans kò a, n'a mouri. Men, si okontré, pa**

**pouvwa Lespri Jehovah n'ap swiv la, nou fè egzijans kò a mouri, n'a viv. 14  
Paske, tout moun Lespri Jehovah a ap dirije, se pitit Jehovah yo ye. 15 Lespri  
Jehovah ban nou an, se pa yon lespri k'ap fè nou esklav pou n'ap tranble devan  
Jehovah toujou. Okontré, Lespri Jehovah a fè nou tounen pitit Jehovah. Se li  
menm ki penmèt nou rele Jehovah Papa. 16 Lespri Jehovah a bay lespri pa nou  
an lasirans se pitit Jehovah nou ye.**

**Wòm 8:26 Se konsa tou, Lespri Jehovah a vin ede nou, atout nou fèb la, paske  
nou pa konnen kisa pou n' mande lè n'ap lapriyè, ni ki jan pou nou lapriyè. Men,  
se Lespri Jehovah a menm k'ap lapriyè Jehovah pou nou. L'ap pouse gwo  
soupi moun pa ka esplike.**

**Wòm 15:13,19 Mwen mande Jehovah ki bay espwa a pou l' fè kè nou kontan nèt,  
pou l' fè kè nou poze ak konfyans nou gen nan li a. Se konsa espwa nou va  
toujou ap grandi ak pouvwa Sentespri a. 19 Wi, m'ap penmèt mwen fè nou  
konnen sèlman sa Kris la te fè m' fè ak sa li te fè m' di, avèk fòs mirak ak bèl  
bagay ak pouvwa Lespri Jehovah a. Tou sa, pou mennen moun lòt nasyon yo  
vin nan pye Jehovah pou obeyi li. Se konsa, depi lavil Jerizalèm jouk nan peyi  
Iliri, mwen pa manke mache bay bon nouvèl ki pale sou Kris la toupatou.**

**1 Korent 2:10-13 Jehovah voye Sentespri l' ki devwale sekrè travay sa a ban nou.  
Lespri Jehovah sonde tout bagay, menm sa ki nan fon kè Jehovah. 11 Pran  
nenpòt moun: Kilès ki ka konnen sa ki nan kè li? Se lespri ki nan li a sèlman ki  
ka konn sa. Konsa tou, sèl Lespri Jehovah konnen tout bagay ki nan Jehovah.  
12 Se pa lespri k'ap travay nan moun k'ap viv dapre lide ki nan lemonn lan nou  
te resevwa. Lespri nou resevwa a, se Lespri Jehovah te voye ban nou an pou n'  
te ka konnen tout favè Jehovah te fè nou. 13 Si n'ap pale sou tout favè  
Jehovah fè nou, se pa avèk pawòl nou jwenn nan bon konprann lèzòm, men se  
pito avèk pawòl Lespri Jehovah ap moutre nou. Se konsa, nou fè moun ki gen  
Lespri Jehovah nan kè yo konprann verite ki soti nan Lespri a.**

**1 Korent 3:16 Eske nou pa konnen se tanp Jehovah a nou ye, se Lespri Jehovah a  
ki rete nan kè nou?**

**1 Korent 6:11 Anpil nan nou, se sa menm nou te ye. Men, koulye a Jehovah mete  
nou nan kondisyon pou nou sèvi l'. Gremesi Jezikri, Seyè a, li mete nou apa  
pou li, li fè nou gras pa pouvwa Lespri Jehovah nou an.**

**1 Korent 12:3 Se poutèt sa mwen vle nou konn sa byen: Si Sentespri Jehovah ap  
dirije lavi yon moun, li p'ap janm ka di: Madichon pou Jezi. Konsa tou, si  
Sentespri Jehovah p'ap dirije lavi yon moun, li p'ap ka di Jezi se Seyè a.**

**2 Korent 3:17 Kilès Seyè y'ap pale la a? Se Lespri Jehovah a. Kote Lespri  
Jehovah a ye, la gen libète.**

**2 Korent 13:14(13) Se pou benediksyon Seyè Jezikri ban nou an, ak renmen  
Jehovah gen pou nou an, ansanm ak pouvwa Sentespri k'ap fè nou viv ansanm  
lan toujou la ak nou tout.**

**Galasi 4:6 Pou fè nou wè nou se pitit li tout bon, Jehovah te voye Lespri Pitit li a  
k'ap rele: Papa, nan kè nou.**

**Efèz 1:13,14 Konsa tou, nou menm, moun lòt nasyon yo, apre nou te fin tande**

**mesaj laverite a, ki vle di bon nouvèl k'ap fè nou konnen jan Jehovah delivre nou an, nou te mete konfyans nou nan Kris la, n'ap viv ansanm nan Kris la tou. Jehovah te make nou ak letanp li tou, li ban nou Sentespri li te pwòmèt la. 14 Sentespri sa a, se yon avalwa Jehovah ban nou sou eritaj li te pwòmèt li t'ap bay pèp li a. Sa ban nou garanti Jehovah gen pou fin delivre moun pa l' yo nèt. Se sak fè, nou menm tou, moun lòt nasyon yo, n'ap sèvi yon Iwanj pou pouvwa Jehovah a tou.**

**Efèz 2:18 Paske, gremesi Kris la, nou tout, kit nou jwif kit nou pa jwif, nou ka pwoche bò kot Papa a, nan pouvwa yon sèl ak menm Sentespri a.**

**Efèz 4:30 Pa fè Sentespri Jehovah a lapenn, paske Lespri a se mak letanp Jehovah sou nou, li ban nou garanti Jehovah ap fin delivre nou lè jou a va rive.**

**1 Tesalonik 4:8 Se poutèt sa, moun ki pa asepte pawòl sa a, se pa pawòl lèzòm li pa koute, se pawòl Jehovah ki ban nou Sentespri l' la menm li pa koute.**

**1 Tesalonik 5:19 Pa antrave travay Sentespri a.**

**2 Tesalonik 2:13 Se yon devwa pou mwen pou m' pa janm sispann di Jehovah mèsi pou nou, frè m' yo, nou menm Seyè a renmen. Paske, Jehovah chwazi nou pou nou ka premye moun ki pou delivre, gremesi pouvwa Sentespri ki fè nou tounen moun pa l', paske nou kwè nan verite a.**

**Tit 3:5,6 li te delivre nou. Li pa t' delivre nou te fè kèk bagay ki bon men paske li menm li te gen pitye pou nou. Li delivre nou lè li lave nou, li voye pouvwa Sentespri li nan nou pou chanje nou nèt, pou n' te ka viv yon lòt jan. 6 Jehovah voye Sentespri li sou nou an kantite, gremesi Jezi, Kris la, ki delivre nou.**

**Ebre 2:4 Anmenmtan an tou, Jehovah te fè anpil siy, anpil bèl bagay ak anpil mirak pou fè wè sa moun sa yo t'ap di a se te vre. Li separe kado Sentespri a bay moun jan l' vle.**

**Ebre 10:15 Se sa Sentespri di nou tou. Paske, lè li fin di:**

**1 Pyè 1:2 Se Jehovah Papa a ki te chwazi nou dapre plan li te fè davans lan. Gremesi Sentespri li a, li mete nou apa pou li pou n' obeyi Jezikri, pou san Jezikri ki koule pou nou an ka mete nou nan kondisyon pou sèvi Jehovah. M'ap mande Jehovah pou nou resevwa anpil benediksyon ak kè poze.**

**2 Pyè 1:21 Paske, pwofèt yo pa t' janm bay mesaj paske yo menm yo te vle. Okontrè, se Sentespri ki te pouse yo lè yo t'ap bay mesaj ki soti nan Jehovah.**

**1 Jan 4:2 Men ki jan nou ka konnen si yon lespri soti nan Jehovah: tout moun ki di Jezikri te yon moun tout bon, se moun ki gen lespri ki soti nan Jehovah a.**

**1 Jan 5:7,8 Gen yo twa k'ap di Jezi se moun ki te vini an. 8 Se Lespri Jehovah a, se dlo a ansanm ak san an. Yo touletwa yo dakò.**

**Jid 1:20 Men, nou menm, mezanmi, annou kontinye grandi toujou nan konfyans nou k'ap fè nou viv pou Jehovah nèt ale. Avèk pouvwa Sentespri a, annou lapriyè san rete.**